

presentes essemus propria in persona, eciam si mandatum qualecumque et quantumcumque exigant speciale. Promittimus insuper quod predictos nostros procuratores omnes aliquos vel aliquem ipsorum pendente coram sanctitate vestra tractatu et negotio nostro predicto non revocabimus, et si qua revocacio verbis vel factis vel litteris apparet, ipsam pro nulla et irrita haberi volumus et eciam eam presentibus irritamus, revocamus et annullamus totaliter et expresse, ita quod in quemcumque casum aut eventum vigorem habere non possit nec premissis vel alicui premissorum officere valeat vel aliquid aliter derogare^a.

Insuper ut premissa omnia et singula et unumquodque premissorum per nos efficaciter compleantur et inviolabiliter observentur ac quod ad legitimum et debitum perducantur effectum, promittimus bona fide et nichilominus sub ypotheca et obligacione omnium rerum et bonorum nostrorum presencium et futurorum nos, notariis infra-scriptis recipientibus et stipulantibus legitime vice et nomine sanctissimi in Christo patris et domini nostri domini Benedicti pape XII. predicti necnon vice et nomine sacrosancte Romane ecclesie ac omnium et singulorum quorum interest vel interesse poterit quomodolibet in futurum, obligamus, quod omnia et singula, que in premissis et circa premissa aut quodcumque premissorum per predictos procuratores et ambassiatores nostros omnes, aliquos vel aliquem ipsorum confessata, excusata, dampnata, anathematizata, oblata, suscepta, petita, supplicata, concessa, promissa, iurata, annullata, revocata, cassata, irritata, remissa, abolita, pronunciata, declarata, data, acceptata, recepta, laudata, obligata, astricta, decreta, promulgata, liberata, absoluta, commutata, donata, exhibita, suppleta, addita, mutata, correctata, emendata, adiuncta, completa, ratificata, finita, inita, concordata, roborata, confirmata, acta, gesta et facta seu quomodolibet procurata, ordinata, disposita et tractata fuerint, rata, firma et grata perpetuo habebimus et exnunc prout extunc habemus, et quod contra ipsa vel ipsorum aliquid in toto vel in parte aliqua nullo unquam tempore veniemus scienter vel faciemus per nos vel alios verbis, litteris vel factis directe vel indirecte, tacite vel expresse, sub colore, condicione, titulo vel causa quibuscumque, quodque easdem confessiones, excusaciones, dampnaciones, anathematizaciones, oblaciones, penitentie et penarum suscepçiones, petitiones, supplicaciones, concessiones, promissiones, iuramenta,

a) So Or.